

نومرو ۱۲ — ۲۴

نسخه سی ۲۰ پاره در



امور اداره و تحریریه و اعلانات و سائرہ ایچون مدیر
مسئولہ سراجعت ایدلیدر .

ایونہ سی بر سنهك اعتباريله ممالك عثمانیه ایچون
۱۴ و ممالك اجنبیه ایچون ۲۰ قروشدر .

عرفای امتك مقالات منصوفانه لرینه جریده
صوفیهك حینه لری آچیدر .
شمذیلک اون بش کونده بر نشر اولور
محل اداره باب عالی جوارنده ابوالسعود جاده سنده
نجم استقبال مطبعه سی

تصوفی ، دینی اخلاقی ، جریده اسلامیہ در

هدایت ربانیہ

بی بشر منفرداً و یا ملت و دولت نامی نختندہ مجتمعاً هر
هانکی بر مقصدك حصوله تشبث ایتسه آنك حسن نتیجه به منجر
اوله بیامسی مظهر هدایت ربانیہ اولسنه متوقف و اهل ایمان ایتسه
جنسب حقلک بو صورتله تجلی ایدم جك لطف و عنایتسنه مفتقر
معتقددر .

صورت تأثیری کوز ایله کورلمدیکی جهنله مرته قدر هدایت
ربانیہك منکر و یا غیر معتقدلرجه درلو درلو نفسیرانه اوغرامسی
ماحوظ ایتسه اساساً «هدایت» معنای نفویسی اعتباریله «طوغری
بولی آرامه ، طوغری بوله کیرمه ، و هدایت ربانیہ دخی ، من
طرف الله او طوغری بولاك برینك قبلنه الهام ایدلمش اولسی» درکه
بو صورت تعریف هدایت ربانیہك حاصل ایلدیکی تأثیر و نتیجه
اعتباریله مؤمن و منکرده اتحاد افکار حصوله کتیرسه کرکدر .
چونکه مؤمن بتون موجودیتله هدایت ربانیہ به اعتقاد ایتمش
اولدینسندن دلائل عقلیه و تفصیلات متممه سائر ایله ذاتاً تأیید
مدعایه احتیاج کورمز . منکرک ایتسه ، شو دغرغه دنیویه ده کی
احوال ظاهریه به قیاساً مادام که هرا انسان کامل حال حیاتسنه بر
طاقم غوائی اقتحامه و شهرت و ثروت کی عوامل بشریه و مدنییه
اکتسابه مجبوردر کندیسنی بو مقصده ایصال ایدم جك خط حرکتك
اك موافقتی دوشونمسی و بوباید برقرار قطعی و برمسئ ضروری دره
خطابنه جواب نفی و بره بیلمك احتمالی قائلار . ایتسه بو قرار قطعی
انتاج و اوسایه ده مقصودی حسن نتیجه به ایصال ایدن محاکمك
مولدی اهل ایمانك هدایت ربانیہ دیدیکی مؤثردر . بو تقدیرجه
هدایت ربانیہ ، مؤمن ایله منکر عندنده طرز تلقی جهتیله بای
اختلاف اولسه بیله تأثیر و نتیجه اعتداله بردر . بناء علیه هانکی
دین و مذهب منسوب بولور ایتسه بولانسون ، مؤمن و یا منکر
اولسون هرکسك ، حیات مساعیده موفقیته هدایت ربانییه مظهریتله
حاصل اوله جفته اعتقاد و قناعت ایتسی لازم کاور .

شوقدرکه کرک خصوصات شخصیه ، کرک تشبثات اجتماعیه
هدایت ربانییه به نائلیت آکا عنداه کسب استحقاق ایدم بیلکه
متوقفدر . بوقسه بر مرادك خدولی ایچون آنك اسبابنه تشبث
ایدم جك پرده بر کوشیده عاطلانه او طوروب جنسب حقدن
هدایت بکلمك بر خسته لغه دوچار اولوبده اهتماممز ، تدابیرمز
شفا ایستکه بکزر .

کذلک ملت دنییان و هر هانکی بر سبیله یکدیگرینه معارض
اولان ایکی هیئت احتیاجه دن بری هرکونه اسباب رفاه و ترقیه
اقدام و دیگری وظائفه نسیب و اهام ایلسه نسیب و اهام ایدن
هیئتك منسوب اولدیکی مذهب عنداه مقبول دخی اولسه هیئت
مذکوردهك مجرد بر مذهب مقبوله انتساب ایتمش بولمسی هدایت
ربانییه مظهری و معارضنه قارشی احراز غالبیتی استلزام ایدم
چونکه جناب خالق کائنات سعادت دنیویه به نائلیت ایچون رعایت ایدلمسی
لازم دساتیر و قوانین الهیه بی پیغمبرمز صلیه علیه و سلم افندمز
حضرت لرینك دلائله قوللرینه امر و تبلیغ و هرکسك اراده جز
و یه سی ده کندیسنه تودیع بیورمشدر . بوجهنله صوم و صلا
وحج و ذکات کی وظائفه دینییه دن بر قسمك ایفاسی و دیگر لرینك
اهمالی یا لکزر دنیاده دکل بلکه عقبا ده بیله مظهر سمادت اولمی
تأمین ایدم مز . مثلاً اوقات خمسده ادای صلا و جناب کربا
ورسولنه بتون قناعت وجدانییه بیله اعتقاد ایدن بر کیمسه خوابگاهنه
کیره چکی ائشاده آبدست آلارق ایکی رکعت نماز قیلدقدن صکره
و یاری شو جوارده افعال و حرکاتی رضای بارینه مغایر و وجود
خبیثت آلودی اورته دن قالدیرلغه لایق قولك هرکیم ایتسه یارین
صبح نمازیه کیدر ایکن ایلک اول آکا مصداق اولیم ، دیبه تضرع
ونیاز ایتسه و ایرتنی صباح ایلک راست کلدیکی کیمسه بی قتل و اعدام
ایتسه ، جناب حق آنك قتلنی آرزو بیورممش اولسه ایدی بولده
هیچ کیمسه بی راست کتیر نماز ایدی ، دینه رك قاتلی معذور کورمك
جائر اوله یلورمی ؟ حاشا او آدم قانون شریعت نظرنده یعنی عند
ایدم قاتل و بویوزدن دنیوی و اخروی جزای سزاسنی کورمکه

محكوم در . بناء عليه قانون الهى اقتضاه فرائض دينه دن
بعضاى ريك ايفاسى نه ديكرار ريك عدم انفاذدن متولد نتايجى
تبدیل ونهده بر وسيله رحمان تشكيل ايدم بياور . حال بويله
اولنجه جناب رب متعال حضرتلرى اهل اسلامه اکتساب علم
وکماله غيرت ، حقوق عبادت رعایت ، نفاق وشقاقدن مجانبت ...
کي سعادت دنيويه واخرويه بي تأمين ايدم بيله چک اسباب وعوامل
امر وتبليغ بيورمش اولديغدن بز اشبو اوامر الهيه بي انفاذده
اهمال کوسه تردیکمز حالده هدايت ربانيه مظهرينه دشمنلرمزه
احراز غلبه ايلکه کسب استحقاق ايدم مامکلمز طبيعى در .
معائنات روزمرهده بيله آمرينک فکريته مطاوعت وتوديع اولنان
وظائفه تماميله رعایت ايتيان بر مأمور مظهر تلطيف وزرق اولماز
ايکن اوامر الهيه ن اکثرين ايفاده تکامل وتسايح دسترن بر
فرد وياهيئت عدالتى بتون کاشانه شامل اولان جناب رب متعال
حضرتلرينک هدايت ربانيه نه نائيتى نه صفت وجارنله استرحام
ونياز جرات ايدم بياور . بويله بر طلب وادعاده بولنقى حاشا
ثم حاشا عدالت ربانيه نقيصه اسناد ايتک دکلى در ؟

ايشته بوجهته درکه تاريخ تدقيق اولنور ووقوعات ماضيه
وحاليه شوبله جه نظر عبرتدن کچيريلور ايسه همان بر عصره قريب
بر مدنبرو دشمنلرمزک تعرضانه قارشى موفقيتک اکثريا آثار
طرفدن انکشاف ايتديکي کوريلور . اوليله ايسه اى امت اسلاميه!
حالا اراده جزويه مزى حسن استعمال واوامر الهيه بي تماميله
ايفادمديکمزى ادراک ايله مصائب ماضيه وفلاکت حاضرده دن
درس انتباه آلارق علم ومعرفته رغبت ، حسيات انتفاعجويانه دن
مجانبت ، حقوق عبادت رعایت ، يکوجود اولارق وطنک منافعه
خدمت ، کي دين مابين اسلامک احکام اساسيه سنى [نفاذه
وبو صورتله هدايت ربانيه بي استنجاله چالشق زمانى کلدېمى؟
زهي غفلت

خلوصى

جهاد وفضائل جهاد

بِسْمِ اللَّهِ الرَّحْمَنِ الرَّحِيمِ

ياايها الذين امنوا هل ادلكم على تجارة تحبكم من عذاب اليم
تؤمنون بالله ورسوله وتجاهدون في سبيل الله باموالكم وانفسكم
ذلك خير لكم ان كنتم تعلمون يغفرلكم ذنوبكم ويدخلكم جنات
تجري من تحتها الانهار ومساكن لمية في جنات عدن ذلك الفوز
العظيم واخرى تحبونها نصر من الله وفتح قريب وبشر المؤمنين
[سورة الصف آية ۱۰]

مال مبنی

ای مؤمنلر ا سزى برتجارته دلالت ايدم يعنى که او تجارت

سزى عذاب اليمدن قورتارسين ا او تجارت :
اللهه واللاهک رسولنه ايمان وفى سبيل الله مالکزله ، جانکزله
مجاهده ائمه کزله حاصلدر و بيله کز بو امور مذکوره سزک
ايچون نه قدر خيرلدر .

بو اعمالکزه مکافات اولارق جناب حقهده کنهايریکزى
مغفرت ، سزى اغاجلرى ، کوشکلرى التندن انهار لطيفه جريان
ايدن جنتلره ادخال ، خلود وابدیت جنتلرنده روايح طيبه ايله
مروح . بقا وبقا ايله مطيب مساكن عاليه اصعاد واقامه بيورر که
ايشته بو مکافات الهيه بيوک بر سعادت ونعمت عظامدر .

وشو مکافات مستقبليه ونعمت مؤجله دن ماعدا حالا وممجلأ
سزى پک سوکلى بر نعمت حاليه ده احمسان بيورر که اوده :
اعدای دینکز اوزربنه انحق جناب اللهدن نصرت عظيمه
وفتوحات قريبه اعطاسيدر .

حبيبم ا آجلا وممجلأ مؤمنلره اعطاسنى وعد ايتديکم شو
نعمت الهيه ومکافات سبحانيه ائره نيشير ايت ا

مالآ ترجمه سینه جرأياب اولديغمز شو آیات باهرالينانک
سبب نزولى . . خطيب تبريزى ، نک بياننه کوره اصحاب کرام
حضراتک : يارسول الله هانکي عمل الله ده سوکلى درکه آنکله
اشتغال ايدم ، سؤللى اولمشدر .

• مقتل ، دن نقلا • امام قرطبي دهه شوبله بيان ابيديور
صحابه دن • عثمان بن مظعون ، ک جناب رسالتنه افندمزدن
وقوعبولان بر طاقم استفساراتى نهايتنده [فقال عثمان وددت
يارسول الله ان اعلم اى التجارات احب الى الله فانجر فيها فزلت *]
شوايکي روايت مالآ متحدومقصدى ابضاچه کافيدر شمدى
بز شو آیات جليليه براز ده امعان نظر ايدم کوره چکزه
بو آية جليليه مقاصد دنيويه واخرويه بي جامع اولان کلمات الهيه دندر
چونکه شو عالمده مستند ترقى وتعالى اولان انسه انلرک اسباب
ترقيسندن باشلوجهلرى تجارتدر تجارتسز هيچ بر جمعيت ترقى
ايدم من حتى بايدار اوله ماز فقط بز مسلمانلر نظرندم تجارت ايبى
قسمه آرييلور . مادی ، معنوى . تعبير ديکرله دنيوى ، اخروى
آية جليليهده اونی ناطقددر

آية جليليهده بزه ، بز مسلمانلره خطاباً بيوريلورکه اى
مؤمنلر ا سز اوليله برتجارته سلوک ايتليسکزه اوتجارت سزى
عذاب اليمدن قورتارسين بونک ايچون الله ورسوله ايمان ايله
برابر فى سبيل الله جهاد وجهادده ثبات ايتليسکز

ايشته بو بر تجارتدرکه سزى هم دنياده ، همده اخراده
مسعود ايدر ، عذاب اليمدن قورارر . « عذاب » دنيجه خاطره

[ه] معنائى : صحابه دن عثمان بن مظعونک : يارسواله ارزوايدم بوزمکه
الله عظيم الشانک رضائى جالب اولان تجارت هانکيى اولديغنى بيله
تاکه اکا سلوک ايدم ديمى اوزربنه بو آيت نازل اولدى .